

INUIT ATAQATIGIIT INATSIARTUNI



UKA2025/31

1. Oktober 2025

Iddimanngiiu Bianco

**Namminersorlutik Oqartussat sakkut pillugit inatsimmik
allannguinnissamut siunnersuummik atuutsitsilernissaat pillugu
Inatsisartunut aalajangiiffigisassatut siunnersuut (Aallaasinik il.il.
pigisaqarnissamut ukiunik killiliineq kiisalu aallaasinik inissiivinnik
piumasaqaat)**

(Aalisarnermut, Piniarnermut, Nunalerinermut Imminullu Pilersornermut
Naalakkersuisoq)

Oqaaseqaat.

Siullermik Aalisarnermut, Piniarnermut, Nunalerinermut Imminut Pilersornermut
Naalakkersuisumut qujanaq saqqummiussannut.

Sakkut pillugu inatsit Inuit Ataqatigiinni ukiuni kingullerni ineriartornera
oqalliffittullu pingaaruteqassusaa oqaatigerusupparput, sakkummi
ulluinnarsiutigaagut piniartoqarfimmiuunerput peqqutaalluni. Ilaatigummi
innimiilliornerit allatullu ajorluinnartumik kinguneqartarneri ilisimavarput.

Allannguutissamilu ingiallorteqartarnek pineqartillugu meeqqat 12-iniit 15-inut
ukiulinnut tunngatinneqartoq, pissusissamissoorpoq inersimasumik
ingiallorteqartarnek meeqqat piniaqatigineranni aammalu pernatitsiniaanermit.
Tassuuna ilitsoqqussaralugu ilinniarnert ingerlateqqinneqartarneri nunatta
pisuussutigilluinnarpaat.

Nunatsinni ileqquujuarpoq meerartagut pernatillugit, tamannalu
ingerlanneqartarpoq ilisimasalinnik inersimasunik ingiallorteqarluni.

INUIT ATAQATIGIIT INATSIARTUNI



Tamanna ileqqoq eriagisassaavoq kingunitsinnut ingerlateqqitassatut Inuit
Ataqatigiinniit isigisarput, tamannami nunatta

Aallaasit imassaanillu immikkoortitsilluni inissiisarnissaq
pingaaruteqarluinnarpoq, soorlu eqqaareennittut ilaatigut innimiilliornerit
allalluunniit ajorluinnartumik kingunillit pinaveersaartinniassagaanni
malittarisassanik inissiinerit inissaminiissoraarput Inuit Ataqatigiinniit.
Imminullu toquttarnerit, siorasaarinerit allallu pinaveersaartinnissaat
tamakkiisumik suleqataaffigerusutatta ilagaat.

Nunatsinni ileqqoqanngilagut malittarisassanik sakkut eqqarsaatigissagaanni,
tamanninngali ileqquliussassaqarpugut malittarisassanik tunngavilinnik,
tamanna pillugu ataatsimiisitaliamut susassaqtunut ingerlanneqarnissaa Inuit
Ataqatigiinniit innersuupparput.